



06 აპრილი 2026



N 21/4597

სს „საქართველოს მილსადენის კომპანიას საქართველოს ფილიალი“-ს  
მის: ქ. თბილისი, იალბუჯის ქუჩა №14  
ელ. ფოსტა: [laitn0@bp.com](mailto:laitn0@bp.com)

სსიპ გარემოს ეროვნულმა სააგენტომ (შემდგომ – სააგენტო) განიხილა თქვენი №2465 სკრინინგის განცხადება და დამატებით წარმოდგენილი №3460 წერილი, რომელიც ეხება საქსპორტო ნავთობსადენის დასავლეთი მარშრუტის საქართველოს სახმელეთო მონაკვეთის, სუფსის ტერმინალისა და საზღვაო გადასატვირთი მოწყობილობის პროექტის ექსპლუატაციის პირობის ცვლილებას და გაცნობებთ შემდეგს:

ა) სკრინინგის განცხადებაში წარმოდგენილი უნდა იყოს ექსპლუატაციის პირობის ცვლილებით გათვალისწინებულ სატუმბ სადგურებზე (PS11, PS13 და PS15) განხორციელებული ცვლილებების აღწერა და შედარებითი ანალიზი, თავდაპირველ პროექტთან მიმართებით. კერძოდ, დოკუმენტში მოცემული უნდა იყოს თითოეულ სატუმბ სადგურზე გათვალისწინებული ინფრასტრუქტურული ობიექტების, მათ შორის, დიზელის სამარაგო რეზერვუარების შესახებ ინფორმაცია როგორც ცვლილებამდე, ისე ცვლილების შემდგომ. აღნიშნული ინფორმაცია ასახული უნდა იყოს როგორც სკრინინგის განცხადების ტექსტურ ნაწილში, ისე სიტუაციურ ნახაზებში;

ბ) სკრინინგის განცხადებაში მითითებულია, რომ სატუმბი სადგურების ელექტროენერგიით უზრუნველყოფა ხდება მათ ტერიტორიაზე განლაგებული დიზელის გენერატორებით, ხოლო ექსპლუატაციის პირობის ცვლილებით დაგეგმილია სატუმბი სადგურების სს „ენერგო-პრო ჯორჯია“-ს ქსელთან დაერთება და შესაბამისი ელექტროგადამცემი ხაზების გაყვანა. ქსელთან დაკავშირების სამუშაოებს განახორციელებს სს „ენერგო-პრო ჯორჯია“. დაზუსტებას საჭიროებს ვინ განახორციელებს აღნიშნული ელექტროგადამცემი ხაზების გაყვანას. იმ შემთხვევაში თუ მითითებული ელექტროგადამცემი ხაზების გაყვანა დაგეგმილია სს „საქართველოს მილსადენის კომპანიას საქართველოს ფილიალი“-ს მიერ, სკრინინგის განცხადებაში წარმოდგენილი უნდა იქნას დეტალური ინფორმაცია საპროექტო ელექტროგადამცემი ხაზების და აღნიშნული საქმიანობის განხორციელებით გარემოს სხვადასხვა კომპონენტებზე მოსალოდნელი ზემოქმედების შესახებ. ამასთან, საპროექტო ელექტროგადამცემი ხაზები ასახული უნდა იქნას shp-ფაილში;

გ) სკრინინგის განცხადებაზე თანდართული shp-ფაილში წარმოდგენილი უნდა ექსპლუატაციის პირობის ცვლილების შემდგომ სატუმბ სადგურებზე გათვალისწინებული ინფრასტრუქტურა (GIS კოორდინატების მითითებით).

დ) სკრინინგის განცხადებაში მითითებულია, რომ ექსპლუატაციის პირობის ცვლილებით გათვალისწინებულია სუფსის ტერმინალის საცხოვრებელი ბანაკის სიახლოვეს საწარმოო-სანიადვრე ჩამდინარე წყლების ახალი ჩაშვების წერტილის მოწყობა, რაც განპირობებულია საცხოვრებელი ბანაკის განახლებული ინფრასტრუქტურის სრულად ასამოქმედებლად. კერძოდ, განახლდა ბანაკის ტერიტორიაზე მშენებლობის დროიდან არსებული ნავთობიანი წყლის გამწმენდი სეპარატორი (OWS) და მანქანების სამრეცხაო და გენერატორის და დიზელის ავზის შემოკავებული მოედნები (ბანდები)

მიუერთდა ნავთობის გამწმენდ სეპარატორს. შესაბამისად, საჭირო გახდა ჩამდინარე წყლების ახალი წერტილის მოწყობა ბანაკის სიახლოვეს. სკრინინგის განცხადებაში მოცემული უნდა იყოს საწარმო-სანიაღვრე ჩამდინარე წყლების მართვის შედარებითი ანალიზი (ცვლილებამდე და ცვლილების შემდგომ). წარმოდგენილი დოკუმენტით ვერ დგინდება ექსპლუატაციის პირობის ცვლილება ითვალისწინებს ახალი წყალჩაშვების წერტილის მოწყობას და ძველის გაუქმებას, თუ ობიექტზე გათვალისწინებული იქნება ორი წყალჩაშვების წერტილი. ამასთან, shp-ფაილში ასახული არ არის საწარმო-სანიაღვრე ჩამდინარე წყლების გამყვანი მილსადენ(ებ)ი. გარდა ამისა დოკუმენტში მოცემული არ არის განახლებული გამწმენდი სეპარატორის ეფექტურობა (გაწმენდამდე და გაწმენდის შემდგომ ჩამდინარე წყლებში არსებულ დამაბინძურებელ ნივთიერებათა ხარისხობრივი მაჩვენებლები), ასევე მოსალოდნელი საწარმო-სანიაღვრე ჩამდინარე წყლების რაოდენობა.

ე) სკრინინგის განცხადების დანართ 3-ში მითითებული ჩამდინარე წყლების ახალი ჩაშვების წერტილისა და მდ. ჩირეს მიდამოების ჰაბიტატებთან ასოცირებული ცხოველთა სახეობების ლიტერატურის მონაცემების მიხედვით ჩამოთვლილი სახეობებიდან, ბუხრინწა - *Tyto alba Scopoli* წარმოადგენს საქართველოს მთავრობის 2014 წლის 20 თებერვლის №190 დადგენილებით დამტკიცებულ საქართველოს „წითელ ნუსხით“ დაცულ სახეობას, საკონსერვაციო სტატუსით - EN - გადაშენების საფრთხის წინაშე მყოფი, რაც საჭიროებს კორექტირებას.

ვ) ასევე, სკრინინგის განცხადებას თან ერთვის ზედაპირული წყლის ობიექტში ჩამდინარე წყლებთან ერთად ჩაშვებულ დამაბინძურებელ ნივთიერებათა ზღვრულად დასაშვები ჩაშვების ნორმების (შემდგომ – ზდჩ) და ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების (შემდგომ – ზდგ) პროექტები. ვინაიდან სკრინინგის პროცედურა ზდჩ და ზდგ ნორმების პროექტების სააგენტოსთან შეთანხმებას არ ითვალისწინებს, აღნიშნული პროექტები სააგენტოში შესათანხმებლად წარმოდგენილი უნდა იქნეს საქმიანობის ექსპლუატაციის პირობის ცვლილებაზე სკრინინგის გადაწყვეტილების გაცემის შემდგომ.

ზემოაღნიშნულიდან გამომდინარე, მითითებული საკითხების დაზუსტებამდე, კოდექსის მე-7 მუხლის 5<sup>1</sup> ნაწილის საფუძველზე, სააგენტო წყვეტს თქვენ მიერ წარმოდგენილ სკრინინგის განცხადებაზე ადმინისტრაციულ წარმოებას.

ელენე ლუბიანური

სააგენტოს უფროსი

სსიპ გარემოს ეროვნული სააგენტო

<https://edocument.ge/mea/public/#/4597-21-2-202604061106>

